

ՀԱՐՈՒՍՏԻ ՄԱՅՐԸ

I

Անծրեր՝ մանրամաղ թափւում էր հորիզոնի երեսի կուտակուած մռայլ ամպերից։

Աշնանային դորշ ու լալկան երկինքը, իր այլանդակ ամպերի ծալքերում, ասես չարիքներ ունի պահած. ծանր ու խիտ ամպերը կախուել են ցած, հասել մինչև կտուրները. այդ ամբողջ թանձր զանդուածը՝ ասես վշտի երկունքով բռնուած լինի, որ ինքը լալիս է, ուրիշներին տխրեցնում, սրտները սեպնում, կուրծքները ճնշում...

Կ... աւանի շրջակայի ժայռոտ ու անտառոտ լեռները ծածկուած էին վաղորդեան թանձր քող-մշուշով։

Արեւիքը իր գոյնը չէ փոխում, միատեսակ ու միանման է միւս կողմերին։

Մռայլ օր է, ճշնող օդ, անծրեւոտ եղանակ. շրջակայքը մառախուղով պատած, ամեն կողմ բնութեան դաժան պատկեր. ցուրտն էլ կատարելապէս զգալի է։ Կարօի թորնատնից, ծուխը բարձրանում է, ինչպէս հրաբուխը սարից։ Դուրսը շուներ կենտահաջ է տալիս և երբեմն բարկացկոտ վրայ պրծնում. այդ լսում են թորնատան դռնուողները, բայց բանի տեղ չեն դնում՝ թէ մարդ կարող է լինել. վերջապէս լսուեց մի նուազ, բարակ ծայն. էլի անուշադրութեան ենթարկուեց և հետաքրքրուող չեղաւ՝ թէ ի՞նչ ծայն էր այդ։

Շուներ հաջում է ու հաջում...

Վերստին կրկնուեց նոյն ծայնը, առաջուանից մի փոքր ուժեղ։— Կարօ՛, մի տե՛ս շուներ ի՞նչի վրայ է եղպէս հաջում. դարձաւ կինը մարդուն։

Կարօն աչքերը տրորելով դուրս ելաւ։

— Ձենդ կտրի, այ՛ն անտէր. բարկացաւ շան վրայ։

Մուկը կարծես քաշալերուէն պոյ՛ խօսքերից. ողևորուած վրայ պրծաւ՝ պատի տակին կանգնած ձեռքերը ծոցը դրած՝ պառաւ կնոջ վրայ...

— Այ շուն... բղաւնց Կարօն:

Մուկը ետ-եա կանգնեց, պոչը թափ-թափ անելով, գլուխը խոնարհեց. սկսեց քննուել տիրոջ ոտների շուրջը...

— Խնջքան վախտ է ըստեղ կանգնած եմ, դողդողալով խօսեց թրշուած պառաւը— շանից վախենում եմ, թէ առաջ գամ. քեմատաղ անցկացրու, անծրևի տակին սառա... ու ձեռքերը խորը տեղաւորելով ծոցի մէջ, մի քանի քայլ առաջացաւ և կանգ առաւ:

Արի՛ տուն, նանի, արի՛. թորոնը վառւում է, արի տաքացի, շորերդ չորացրու... ապա նայեց շանը, որը արդէն հեռացել էր:

Կորաքամակ պառաւը, դողդոջուն քայլերով, երերալով քայլեց դէպի տուն. Կարօն էլ հետեւեց դրան, վախենալով մի դուշէ շունը գաղտադողի կրճնի խեղճ պառաւին:

Մտան ներս: Երեսաները շարուել էին թորնի վերի կողմը և կամացուկ սկսեցին խօսում էին. պառաւը տեղաւորուեց դրանց մօտ. տանտիկներ մի հնամաշ մինդար փռեց տակը:

— Այ, հառաչեց պառաւը— էսպէս օրը Աստուած կտրի, ի՛նչ իմնա... փոյ շորերս ջուրա դառել, ձեռքերս սառել, ոտքերս փետացել... ը՛հ... ը՛հ... պառաւը տնքում էր և սաստիկ հագում.— ողորմի ձեր հօրը, ինչ լաւա թորոնը վառել էք... ը՛հ... ը՛հ... Ասում են դրախտն ու դժոխքը էն աշխարումնա... համա նամաղուլ են արել... թէ դրախտ... թէ դժոխք, ըստեղա... ը՛հ, օ՛յ սառել եմ... էս աշխարումս դժոխքի կեանք վարող էլ կայ, դրախտի էլ... երկու տեսակն էլ գտնւում են մեր կեանքում... էս կենդանի աշխարհում... էս աւեր աշխարհում, մարդիկ՝ հենց իրար կրծոտում, տրորում են... իրար միս ուտում... իրար արին խմում... ը՛հ, ը՛հ... փոյ, ուսերս ջուր ա դառել... շապիկս էլ թրշուելա... տանջուածին՝ Աստուած էլ օր չի տալի... ախ... հառաչեց նա դառն և կռացաւ դէպի թոնիրը, ոսկրացած ձեռքերը երկարացրեց տաքացնելու: Մուկը իր

աղղեցութեան նշանը ցոյց տուեց, պառաւի ձերացած, խոր ընկած աչքերին և մի քանի կաթիլ ընկաւ նրանցից. նա թւաքով սրբեց՝ այտերի վրայի դողդողացող կաթիլները, ապա հազաց ու լռեց:

— Ի՞նչ ա էլէլ, նանի, ո՞վ գիտի նոր բան է պատահել... հարցրեց Կարօի կինը:

— Հա՛, չոռն ու ցաւը ինձ... մահը ինձանից հեռու է, մի հոգիս չի առնում... Թէ պրծնեմ... էլ անիծուածների երեսից, էս դառն աշխարհից... որ մի լաւ օր չըտեսայ... ախ, անիծվիս բաղդ, որ մի օր ինձ համար ուրախութիւն չբերիր... հէնց միշտ սե՛ ու ցաւած օրեր... Ըհ, ըհ...

— Ի՞նչի, այ նանի. դեղը ձեզա երանի տալի՝ Թէ ունեւոր էք, հարուստ էք, լաւ ապրուստ ունէք. էլ ի՞նչի ես դժգոհ քու բաղդից. ուրիշների աչքը ձեր վրայ ա, ձեր չափ կարողութիւն ու ունի ըստեղ:

— Ի՞նչ եմ անում ունենալը... երբ ցամաք հացն էլ հալալ չեմ ուտում... կեանքը՝ փոշի ու հարստութեան մէջ չէ... ախ էս հաղը, էս միրաթ հաղը... օՖ, օՖ...

Թորնի մէջ բոցերը երևում էին ու բարձր ու ցած անում. երգիկից անծրեր թափւում էր ներս. դեռ ներսը ծուխ կար, գորշ դառը ծուխ:

— Նանի, քու տղեն քեզ բաղդէ, ունեցած հարստութիւնը քեզ կեանք. ի՞նչի ես նեղացած բաղդիցդ... խօսակցութեան մէջ մտաւ Կարօն, որ մինչև այդ՝ լուռ լսում էր պառաւի ասածները:

— Է՛հ, ինչ ասեմ, որդի... ինչ իմ գլուխն է գալիս, ձեր դրան շան գլուխն էլ չ'գայ... շունը ինձանից շատ ու շատ լաւ է ապրում... դու քու շանը լաւ ես մտիկ տալի... քան իմ տղէն ու հարսը ինձ... պառաւը աչքերը սղմեց ու («ախ») անելով շարունակեց:— Սատժու օրը արիւն-արցունք եմ թափում... աղաչում եմ Ստեղծողին, որ վերջ տայ իմ կեանքին... ըհ, ըհ... երեկ էն բէբաղդ հարսըս էնքան ինձ տուեց... որ էս չոր ոսկորներս չարդւում է... ասես իրարից բաժանուելուս ըլի... տուած տեղերը կապուտել են, ու շատ թունդ ցաւում

է... եկել եմ, մի քիչ արող քսէք կապտածներին... Մի մարդը տասր որդուց լաւ է... Օ՜հ, ինչ օյիններ չեն խաղում իմ զըլ-խին... Աստուած աղատէ ու վրկէ... Ըհ, օ՜ֆ... դուշմանս չընկնի դրանց ձեռը... բաս մի մայր կաթ տայ, հետը քաշ գայ, պահի... էս հազը իմ մահնա. մեծացնի, տան, կնկայ տէր դառ-ծնի... պառաւը լաց ելաւ—ու վերջը պատուի տեղը էս օրը գցէն... նա ցոյց տուեց, աչ թւաթի վրայի կապուտածները, ուրոնք ըստ երեւոյթին հարուածի տեղեր էին:

Կարօն և կինը՝ դարձանք մար, աչքերէն չռած նայեցին պառաւի կռներին ու քթների տակ ինչ որ մըթմըթացին:

Պառաւը օղի խնդրեց: Կարօի կինը բերեց և սկսեց քսել...

—Օ՜հ... ոհ, ոհ... մըմնչում է պառաւը ցաւազնօրէն:

Յետոյ բացեց մէջքը—կապուտածները անթիւ էր. զլխի ուռուցքից պառաւը շատ անհանգստանում էր, հարուածները անողորմարար էր իչած թշուառ կնոջ վրայ:

Խեղճ կինը՝ տնքում է, մըմնչում...

Թորնատան ծուխը բոլորովին քաշուել է. բացուել են՝ սեւացած գերանները, սիւնները, մըոտուած պատերը... անծրեր միակերպ մաղւում է երդիկից, կրակի բոցերը իչել են: Երեխաները մնացել են՝ պլշած նայելով, պառաւի տնքոյին ու վռչոցին. իրանք էլ սարսուում են նրա սիրտ մղկտացնող «օ՜ֆ» «օ՜ֆ»ից: Օղին վատ ներգործեց. հարուածների տեղերը սղլւում է...

Կարօն, կինը և երեխաները՝ լուռ են:

Պառաւը տնքում է.

—Ըհ... օ՜ֆ...

II

Կ... աւանի, հարուստ վաճառական՝ Դաւիթի մայրն էր, այդ թշուառ, ողորմելի ոսկրակոյտը, որ տարիների ծանր բեռի տակ կռացել էր, երկուտակուել. տարիների հնշման ու ցաւի կնիքն էր կրում իր վրայ: Դուռնատ, կնճիւռներով ակօսուած երեսը տառապանք էր արտայայտում. կապոյտ դողդոջուն շր-

Թուներները, ասես պատրաստ էին՝ թոյն թափելու, նզովելու ամեն ինչ, անիծել՝ բիրտ կարծրութիւնը, մարդկանց վայրագութիւնը... Նրա մէջ ջաւի ու տանջանքի ծայնն էր խօսում. նրա մաղերից—պլովումած՝ յօնքերն ու կօպերը, կասես կրակով խանձումած լինէր. արտասուքով միշտ լի փոս ընկած աչքերը՝ իրանց մէջ վշտի կայծեր ունէին թաղցրած...

Զարհուրելի էր տեսնել այդ խեղճուկի՝ տնքոցն ու մըր-մունջները...

—Օ ֆ... չլի էն դաւակը, որ ծնողի պատիւը չգիտի... դիշերը ձեր չարդախումն եմ եղել... մէջքս կոտրոււմ է... զլուխս պոտոյտ է դալի... Ըհ. աչքերս շաղուած է, սպիտակն ու սևը չի ընկում... ամեն բան մութ է երևում...

—Հաց կեր, նանի. ընդհատեց նրան Կարօն:

—Ըհ, հաց կուլ կը դնայ...

—Խնչի համար է հարսդ քեզ ծեծել, նանի, հարցրեց Կարօն:

—Մի խնձորի... որդի: Տղէս խնձոր էր բերել, բաց արի... ախ, էս հաղը.—մինը վեր կալա. էնտեղից հարսս՝ ոնց որ կատաղած շուն վրայ պրծաւ... ասում ա—«հարամեցիր, շաղու»... ես էլ ասի «տղիս աշխատանքնա»... «զլուխդ քարն ես տուել» ասաւ ու բռնեց... ես ընկայ պոլի*) վրայ... ետով վեր կացայ... ձեռս մի փէտի կտոր ընկաւ, դրան հասցրի մի անգամ... հէնց էդ տեսայ... փէտը ձեռքիցս խլեց...—նա ու ժգին հաղալ սկսեց.—էս հաղը ինձ պիտի խեղդի... հա, ու էս օրը զցեց, հօ տեսմք... Ըհ, օֆ...

—Կարօ՞՞... դրսեից լսուեց մի ծայն:

Կարօն շտապեց դուրս, Դաւիթ «աղայի» ծառան էր:

—Նանը ձեր տաննա՞, հարցրեց ծառան—դիշերը չկար, չը գիտենք ո՞ւր ա դնացել:

—Ըստեղ ա, պատասխանեց Կարօն խռոված կերպով:

—Ասա դայ, աղան կանչում է:

—Հիւանդ է, ո՞նց դայ, տօ. զնա աղայիդ ասա, որ նանը շատ սաստիկ հիւանդ է:

—Ո՞րնց թէ հիւանդ է. զարմացաւ ծառան:

*) Յատակ

— Դիշերը մոտեցա... զնա ասա:

Ծառան վազեմազ զնաց. Կարօն էլ տուն մտաւ. յայտնեց, որ ծառան էր, «նանին» էր հարցնում:

— Դուկսը... զուկսը քարոյն էր տալի... նեղացած խօսեց պառաւը:

Դարձեալ լսուեց «Կարօ...»: Այս անգամ «աղան» էր եկել. խստօրէն ասաց Կարօին, որ «մօրը» զուրս բերի...

Կարօն ու կինը՝ պառաւին թեքերից բռնած զուրս բերին. խեղճ կինը ոտքի վրայ չի կարողանում կանգնել, լքեւում է. զողզողում, ոտքերը անդօրացել են. զիշերուայ տեղը մեծ ազգեցութիւն է արել նաչարի վրայ:

Հասցրին տուն:

— Քաւթմա, ո՛նցա թուլացել, կ'ասես շարդուած ըլի... խօսում էր հարսը պատշգամբից՝ խայթող հեղնանքով, հայհոյելով, և մի քանի լպիրշ բառեր բերնից թափելով:

— Սա մեզ խայտառակեց, մեր անունը փոտրեց... խօսեց Դաւիթը:

— Սատկում էլ չի է՛... ազատուենք դրանից, զղուանքով աւելացրեց կինը:

Պառաւը վռչում է.

— Օ՛ֆ, օ՛ֆ...

Հարսը բացականչում է.

— Չօ՛ւ, ցա՛ւ...

Դաւիթը անասունի նման կանգնած է. խռովայոյզ է երևում:

— Ծնող դառնաք, ծնողի պատիւը իմանաք... ձեր որդին էլ... ձեզ, իմ օրը գցի... մըջնում էին պառաւի կապուտած շրթունքները:

Կարօն ու կինը՝ հեռացան:

Սգաւոր երկինքը՝ յօնքերը ետ էր տարել, լալկան ամպերը դեռ մըմսւ էին քամում վայրադ երկրի վրայ...